

1080 V. 42 388 = V. 388.4.

The state of the s





street on rear formers per peris. Delimpinnerie de Leen Canellas, rud S. Tean de Laran,

Declaration de la Gamme, & Eschelle de Musique. Chapitre premier.



Our commencement de nostre Instruction, ou fódement de Musique: il est necessaire à la personne qui desire apprendre c'est art de sçauoir la Gamme, taut à droit qu'a rebours. Et pour icelle cognoistre fault entendre qu'il n'y a

que sept lettres differetes qui sont G,A, b, oub, C, D,E, F, lesquelles se repetet sur la main par trois sois suyuant l'ordre de ladicte Gamme qui est telle.

Gvt, Aré, mi, Cfavt, D sol ré, E la mi, F favt. g sol révt, a la mi ré, bfa mi, c sol favt, d la sol ré, c la mi, f favt.


gg sol ré vt, aa la mi ré, bb sa mi, cc sol sa, dd la sol, ce la.

Quant aux lettres ioinctes auec les voix (comme leG, de G vt, ou de g sol ré vt, & toutes les autres) elles ne servent de rien pour chanter, sinon les deux de b sa mi: comme il sera plus amplement declaré cy apres.

Des six voix de toute Musique. Chap. 2.

N toute Musique (tant pleine que figurée) n'y a que six voix: à sçauoir vt, ré, mi, fa, sol, la. lesquelles montent, & descendent de deductios

en autres, tant par quarré, Nature, que par b mol: comme verrez par la main, & Eschelle des dix reigles & dix espaces, par la quelle main, ou Eschelle pourrés cognoistre la difference des cless, & voix de toute Musique.



Aij

3	ec- -dd- cc -bb- aa gg f -e- d	7			(3 1 1 1	la -fol-	-la	la -fol- fa -mi- ré -vt-	-la fol -fa mi -ré vt	la -fol fa mi ré -vt	miré- vt
加州	b g F E D C B A G F		-la folfa-	la -fol fa -mi ré	-la fol -fa- mi -ré vt	-fol- fa -mi- ré -vt-	-fa mi -ré vt	-vt-		7.	
es.	16.	la -fol- fa	mi -ré vt	ré -vt			The same of the sa	1 1 1 1 1 1 1 1 1 1 1 1 1 1 1 1 1 1 1	3		
Clefs principales.	Lettres de la Game.	Nature.	B mol.	H quarré.	Nature.	B mol.	A quarre.	Nature.	Bmol.	Ħ quarré.	Nature.

Our ce qu'aucunes fois, (& le plus souuent) nous trouuons plusieurs voix, tant par dessous que par dessus la Gamme: de sorte qu'il

est conuenable (pour la partie de la Bassecontre) prédre pour D sol re, D la sol re, pour C fa vt, C sol fa vt, pour | mi, B fa | mi, pour Are, A la mi re, pour G vt, G sol revt, & d'auantage F fa vt, que nous disons estre dessous la Gamme. Et pour la partie du Dessus quand nous trouuos quelque voix par dessus ce la, il faut pré dre pour ce sol fa, ce sol fa vt, pour dd la sol, dd la sol ré, pour ce la, ee la mi, & suyure selon la Gamme.

Quand il se trouue quelques notes qui soient encore plus haultes que ce que nous auons dit. Lesquelles voix (tant par dessous, que par dessus) ne sont exprimées en la main precedente. Pour ceste cause auons mis la dessusdicte Eschelle de Musique, à celle fin que puissiez eslire des deux ce qu'il vous semblera le meilleur. De la Taille, & Hautecontre, elles ne sont subietes à ces reigles precedates, par ce qu'elles sont situees entre le hault, & le bas.

Des sept vt, & de leurs differences. Chap. 4.

Ly a sept vt en la Gamme, qui sont Gvt, C fa vt,F fa vt,&g sol ré vt le bas,c sol fa vt, f fa vt, & gg sol re vt le hault: Diuisees en trois diuertes fortes, dont il en y a trois de | quarré, qui ont la

lettre de G comme G vt, & gg sol ré vt le hault, & le bas Deux de Nature, qui ont la lettre de C comme C sa vt, & c sol sa vt. Deux de b mol qui ont la lettre de F comme F sa vt le hault, & le bas. Lesquels, & chacun d'eux gouvernent cinq voix, qui sont la, sol, sa, mi, ré, Toutes subiectes, & depédantes de vt, qui fait la sixiesme voix, de sorte que toutes voix descédantes sur l'vt de g sol ré vt, sont chantees par equarré, sur l'vt de c sol sa vt, sont chantees par Nature, sur l'vt de ffa vt, sont pareillement chantees par b mol.

Pour apprendre à desconter. Chap. 5.

Ault s'exercer souventes fois sur ceste Gamme, pour plus facilement entendre le demeu rant, de sorte que si on veult sçauoir parquoy se chante le la, de d la sol ré, qu'il desconte depuis ledit la iusques à vt, disant la, sol, fa, mi, ré, vt. Descendant deuers Gvt, lors il trouuera sur lequel vt, ledit la tombe: adonc il pourra facillement cognoistre qu'il chante par b mol, par ce qu'il chet sur l'vt de F fa vt, qui est vn vt de b mol. En apres pour sçauoir le sol dudit d la sol ré, qu'il desconte pareillement disant sol, fa, mi, ré, vt, il trouuera qu'il se chante par quarré en l'vt de g sol re vt. Et finalement le re qu'il desconte disant re vt il trouuera qu'il se chate par Nature, en l'vt de c sol fa vt. Ainsi faut il desconter de toutes les aultres voix, & fault toufiours descendre depuis la voix que l'on veut sçauoir iusques a vt, selon l'ordre de la, sol, fa, mi, ré, vt. Pour sçauoir par quel vt, ladicte voix se chante, Si

on demande parquoy se chante l'vt quel qu'il soit, il ne fault point desconter, par ce qu'il ne descent point plus bas, fault seulement regarder s'il est de \(\beta \) quarré, ou de Nature, ou de b mol, lequel vt se chante, & se gouuerne par soy mesme.

Des trois clefs. Chap. 6.

Lya en apres trois clefs differentes l'une de l'aulrre: composees sur les trois vt, aussi diffe-fentes. La premiere de F sa vt, le bas, b mol, propice aux Bassecontres, seulement figurées le plus souuat ainsi (a) & aucunes-fois ainsi (b) La seconde de c sol fa vt, qui est Nature, propice pour les Tailles, & Hautecontres, & aucunes fois aux Bassecotres, & aux dessus figuree ainsi (c) La tierce de gg sol ré vt le hault quarré propice pour les dessus, figuree ainsi (d) Par lesquelles on pourra auoir la cognoissance des notes, qui serot plus hautes ou plus basses que lesdictes clefs, lesquelles cless sont tousiours en reigle, & fault descôter depuis la ligne, ou est assise la clef, iusques à la note suyuante la Game, tant sur les espaces, que sur les reigles. Si la note est par dessous la clef, fault pareillemet desconter depuis la clef iusques à la note, disant la Gãme au rebours: alors vous cognoistrés facilement lassiette de vostre note.



Nature: combié que ledict | quarré ne soit signé: mais

il suffit quand le b mol n'y est point, duquel pour lors n'est faicte mentio, c'est à dire que toutes les voix des-

cendantes sur l'vt de F fa vt, qui est vt de b mol, seront pour lors desfendues, comme auparauant, quand le b mol estoit signé, les voix descendantes sur l'vt de g sol re vt, (qui est l'vt de quarré) estoient desfendues, l'vt de Nature participe, & se conioin & en tous les deux, c'est à sçauoir Nature, & b mol, & Nature, & quarré

mais les trois vt, ne se trouuent iamais ensemble. Faut aussi retenir, que toutes notes assises en mesme lieu

que le b mol, y a tousiours fa, Et par ce que le plus sou

uent, tant par b mol, que par quarré, nous auons en

vn lieu deux notes bonnes à chanter, comme le la, &

le ré de d la sol ré, quand le b mol est signé, le la par b mol, & le ré par Nature, & quad le b mol n'y est point,

le sol, & le ré, le sol par quarré, & le ré par Nature. A

lors faudra entendre, & sçauoir que nous auons trois

notes propices pour monter qui sont vt, ré, mi, & trois pour descendre qui sont fa, sol, la: de sorte que si vostre

note môte, ou descéd, vous choisirés laquelle vous se-

ra la plus propice des deux, comme appert par les exéples qui s'ensuyuent. Et premierement.

Exemple de b mol, & de Nature.

I apres la clef vous trouuez le b lequel est asfis tousiours en b fa | mi, Alors il faudra chãter par b mol, & par Nature, l'vn apres l'autre,

& non iamais par | quarre, par ce que b mol, & | quar ré ne se trouuent iamais conioincts ensemble. Si ledit b mol n'est signé, vous chanterés par \ quarré, & par

Le mi, p b mol, pour moter. Le la p Nat. pour descéd.

Exemple de quarré, & de Nature.

Le ré p quarré pour môter. Le la p Na. pour descé.

La maniere de tenir mesure en Musique. Chap. 8.


Le trouve vn signe barré siguré ainsi (G) que nous apellos Mineur imparfait nobrebinaire, qui est à dire nobre de deux, lequel ne nous sert en rien pour châter, sinon qu'il

demonstre à conter la mesure, laquelle se doit conter, & tenir par deux Semibreues, desquelles nous parlerons cyapres, comme elle se voit tenir aux Eglises cathedrales, oul'on chante de Musique: Mais nous auons vne plus commune, laquelle nous faisons seulement

de la valeur d'une Semibreue, laquelle est plus aisée pour apprendre, les deux n'en valent qu'une de la premicre, la mesure est egalle, tant au frapper, qu'au leuer, & se commence par un frapper, & acheue par le leuer le tout egallement.

Des pauses. Chap. 9.

Hascun baton contenant trois regles vault quatre pauses, qui sont quatres mesures, & sur lequel il fault frapper, & seuer quatre fois. (a) Le demy baton contenant deux regles, vaut deux pauses, sur lequel fault frapper, & seuer deux fois. (b) La pause qui est tournée contre bas, vault vne mesure, & sur laquelle il fault frapper, & seuer vne fois. (c) Le souspir qui est tournée en hault vault demye pause lequel vault vn frapper. (d) Le demy souspir qui est ainsi formé vault vn quart de mesure, & sault faire silence selon seurs valeurs tenant tousiours egallement la mesure. (e)



Les valeurs principales des notes auec leurs pauses. Chap. 10.




Minime auec sa pause, qui est vn souspir, lequel vault demy mesure. Semiminime auec sa pause qui est demy souspir, qui vault vn quart de mesure.

Vr toutes lesquelles valeurs cy dessus, fault frapper, & leuer tenant la mesure. Et tout ainsi qu'en chantat vous tenés la note tou-iours en vn ton, selon sa valeur: Aussi pareillement fault faire silence sur la pause, quand elle se trouue en quelque lieu que ce soit, selon sa valeur, tenat tousiours la mesure, comme i'ay dit par cy deuant.

Des poinctz. Chap. II.

Tous poincts valent la moitié de leurs notes precedétes. La Longue quatre, & le poinct deux, sont six, & les autres à l'equipolent.

Aiiij



Muances, & quand il est besoing de les faire. Chap. 12.

Vance, est changement d'une note à une autre, & sommes contraints de la faire, quand il vient des notes plus haultes que le la, ou plus basses que l'ut. Car il est maniseste que par desfus le la, & par dessoubs l'ut rien n'est trouué sans faire muance.

Regles generales desdictes muances. Chap. 13.

Oute Muance en montant est tousiours faite en ré, en descendant en la, tantpar b mol par quarré, que par Nature. Et pour ce qu'aucunes fois nous muons pour monter le sol en ré, comme vt, ré, mi, fa, ré, mi, & aucunes fois le la, comme vt, ré, mi, fa sol, ré, Et pour descendre aucunes-fois le mi en la, come la sol, fa, la, & d'au tresfois le, ré, comme la, sol, fa, mi, la. I'ay voulu rediger par escript plusieurs petites regles, qui s'ensuiuent, sans lesquelles il est asses difficile de cognoistre la difference desdittes muances. Et premierement.


Toutes fois, & quantes que vous dirés vt, ré, mi, fa, ré. pour muer en montant vous dires la, sol, fa, la, pour muer en descendant, tant par b mol, par quarré que

par Nature. Toutes-fois & quantes, que vous dirés vt, ré, mi, fa, fol, ré, pour muer en montant, vous dires la, fol, fa, mi, la, pour muer en descendant, tant aussi en b mol, en quarré qu'en Nature. Et par ce que les dittes muaces se trouuét tat par b mol, que par quarré, vous pourrez cognoistre par les exemples qui s'ensuyuent, en quels lieux se trouue, la muance de fa, ré, pour monter, & fa, la, pour descendre, & pareillement de l'aultre.

La premiere de fa, ré, & fa, la.



Pour muer en montant, de Nature en b mol, vous dirés fa, ré. Et pour descédre dudit b mol, en Nature vous dirés fa, la.



Pour muer en montant de Et pour descendre de Naquarré en Nature, vous ture en quarré, vous dires dirés fa, ré. fa, la.



Pour muer en montant de Et pour descendre de Nab mol, en Nature, vous ture en b mol, vous dirés dirés fa, sol, ré. fa, mi, la.



Pour muer en montant de Et pour descendre dudit | Nature, en | quarré, vous quarré, en nature, vous dirés fa, sol, ré. dirés fa, mi, la.

I en vne chanson, ou en aultre chose que ce soit, vous trouués deux muances en diuers lieux, & en la premiere vous dittes fa, ré, pour muer en montant, & fa, la, pour muer en descendant. En la seconde qui sera plus haulte, ou plus basse vous dirés fa, sol, ré, pour monter, & fa, mi, la, pour descendre, par ce qu'elles ne sont iamais pareilles. Exemples des deux diuerses muances en diuers lieux. La premiere en montant fa, ré, Et la seconde ensuyuant fa, sol, ré, & en descendant consequemment suyuant les regles precedentes.



I semblablement en la premiere muance vous dittes sa, sol, ré, en la seconde ensuyuant vous dirés sa, ré, mi, & descendrés selon qu'aurés monté, & n'y a point d'aul-


tres muances. Combien que plusieurs ayent escrit, qu'en g sol ré vt, & en beaucoup d'autres, il y auoit six muances. Quand à moy ien'y en trouue qu'vne, qui est le ré pour monter, encore c'est quand le b mol est signé: car par quarré, il n'y a en g sol ré vt nulle muance, car toute muance se fait tousiours en ré, pour monter, & en la, pour descendre.

De la puissance du b mol, & du \ quarré ainsi signé, \ ou ainsi. \ \ Chap. 14.

Vad le b mol se trouue aillieurs qu'au commencement des regles à la note qui le suit fault chanter fa, & pareillement quand ce mencement des regles à la note qui le suyt mi, ou bien la mettre au ton dudit mi. Et fault noter qu'entre les six voix qui sont la, sol, fa, mi,ré,vt, ya de l'vn à l'aultre chascun vn plain ton, fors qu'entre fa, & mi, en descendant, & entre mi, & fa, en montant,

B

ou il n'ya que demy ton. Aussi quand le mi de b sa mi, par quarré & le mi de e la mi, se trouuent, les plus haultes notes ne montats iusques au sa, mais plutost y descendant, il les fault couertir en sa, par saintes haulsant, & deualant d'un demy ton. (Combien que le b mol, n'y soit signé,) & sault que la muance en la, en descendant, s'ensuyue tout incontinent apres les dittes notes, comme appert par l'exemple suyuant.



Le mi de b fa | mi, lequel fault conuertir en fa, se trouue quand la Musique est chantée par | quarré, & non autrement.



Le mi de ela mi lequel fault aussi conuertir en fa, se trouue quand la Musique se chante par b mol, & non autrement.

Ombien qu'en la regle des muances cy deuant escripte nous ayons dit que toutesfois, & quantes que nous chanterons fa, sol, ré, pour muer en montant fauldra pareillement chanter, fa, mi, la, pour muer en descendant, ce qui se pourroit trouuer au contraire, par l'exemple cy dessus, ou nous chantons fa, sol, ré, pour muer en montant, & fa, la, sol, pour descendre, fault alors considerer que ce fa, par fainte tient, & occupe la place du mi, & pourtant la regle precedente desdittes muances demeure tousiours entiere.

Les valeurs de Mineur imparfait, lesquelles se trouuent aucunes-fois. Chap. 15.

La Longue à demy noire vault trois mesures, & demye. [a]

La Breue noire vault vne mesure, & demye. [b]
La Semibreue noire vault vne Minime blanche auec
vn poinct. [c]

Quand elle est seule: mais quand la Breue noire la precede elle ne vault que demye mesure. [d]



Oute note quarrée ayat queuë du costé senestre tendant en hault, seule ou iointes aucc vne autre en montant, ou en descendant, toutes deux ne valent que chascune vne mesure. [a] S'il en y a d'auantaige que de deux en montant, passe les deux premieres, toutes les autres valét chascune deux (b). Et pareillement sans queuë, en montant valent toutes chascune deux[c] Et aussi si la premiere a queuë du costé senestre tendant en bas, liée aucc vne aultre en descendant, elle vauldra deux, & la derniere quatre. [d] Si elle est liée auec plusieurs aultres toutes chascune deux, & la derniere tousiours quatre. [e] Si la premiere n'a point de queuë elle vauldra quatre come la derniere. [f]



Des notes obliques.

Oute note oblique, laquelle ne contient iamais que deux notes la premiere, & la der Riniere. Si la premiere a queuë du coste senestre tendant en hault toutes deux ne valent que chascune vne mesure. (g) Si la queuë est en bas chascune deux. (h) Si la premiere n'a point de queuë elle vauldra quatre mesures, & la seconde deux. Sur lesquelles notes liées, tant quarrées que obliques ne fault iamais asseoir la lettre sinon sur la premiere. (i)



Du signe de repetition, & de reprise.

Dya deux signes qui ne seruent que pour les chansons, l'vn pour le focomencemet de la chanson figurée ainsi Lequel demonstre qu'il fault recom mencer deux

fois suivant les deux letres. Laultre pour la fin de la chanson figure ainsi go ou ainsi 5 qui signifie aussi estant à la fin de la chanson qu'il fault recommencer sur la note, ou ledit signe est posé, & paracheuer de rechef.



Ln'est de besoing, pour ceux qui veulent apprendre à chanter leur partie, de leur amuser à apprendre toutes les differences des signes lesquels ie parleraycy apres:mais

seulement du premier qui est Mineur imparfait nombre binaire, duquel i'ay parlé cy deuant, & sachant leur partie ils pourront lors facilement entendre celuy qui s'ensuit, qui est Mineur parfait nombre ternaire, auec ses valeurs, & mesure.


Du signe appellé Mineur parfait nombre ternaire. Chap. 18.




Ineur parfait est figuré ainsi (a) ou ainsi (b) Lequel nous demonstre à tenir mesure par trois Semibreues, dont il en fault frapper deux, & leuer sur la troissesme, mesmes auf-

si en contant les pauses, & pareillement de tous autres fignes lesquels se content, & mesurent par trois. Et premierement. Le baston vault six pauses, qui sont deux mesures, & le demy baston trois, qui est vne mefure. La Pause seule, vne, qui est la tierce partie d'vne mesure. Les souspirs, comme en Mineur parfait. La Longue est parfaitte, & vault fix, qui sont deux mesures, quand sa pareille la suyt, ou sa pause, ou note, ou

pause valat vne mesure. La Breue est parfaitte, & vault trois de sa nature, qui est vne mesure, & quand sa pareille, ou sa pause la suyt, ou autre de plus grade valeur, si elle n'est imparfaitte par vne moindre deuant ou der riere, & pareillement elle vault trois, quand il y a deux pauses sur vne mesme regle.






Longue sparfaitte. Breue parfaitte. Breues parfaittes.



Breues imparfaittes. Breue parfaitte. Imparfaitte.

Eux Semibreues mises entre deux Breues appellées autrement temps. La premiere Breue vault trois, & la seconde Semibreue deux, comme Iosquin en a vsé en sa messe de Si cogé prens. Le poinct mis au dessus appellé poinct de diuision, separe la premiere Semibreue, auec la premiere Breue,

& les aultres deux pareillement, & les garde d'alterer, c'est a dire d'augmenter. Trois Semibreues entre deux Breues, la premiere Breue est parsaitte valant trois. Le poinct appellé poinct d'alteration fait alterer la troisiesme Semibreue, lors la premiere Breue ne vault que deux.



Breues parfaittes, & la secon- Breues imparfaittes. de Semibreue alterée.




Breues parfaittes.


La premiere Breue imparfaitte, & la derniere Semibreue alterée, & vault deux.

Es pauses representent les Breues, & lors les premieres Breues sont parfaittes, & alterent la seconde Semibreue de la premiere exemple, comme aux regles precedétes des deux

Semibreues entre deux Breues, & pareillement des trois. La pause represente la Semibreue, adoc les Breues sont parfaittes, comme cy dessus & Semibreue alterée. Les Breues sont imparfaittes par ce que la pause




Breue pfaitte, seconde Breue pfaitte, Breues pfaites, Semibreue alterée. & Semibreue alterée.



Impfaittes.


La couleur leur oste la tierce partie de leurs valeurs.




Les Longues noires valent quatre.

Les Breues noires valent deux.


Les regles cy deuant mises sont nulles quad les notes sont noires. Les Semibreues sont aucunes sois noires lesquelles ne perdent rien de leur valeur quand la Breue noire les suyt, ou precede, par ce qu'il fault tousiours que le nombre de trois soit tout noir, ou tout blanc.






Breues imparfaittes,

Ela Breue. Quand ce signe siguré ainsi 3 est mis desfoubs. Mineur parfait, il n'augmente ne diminuë, sino qu'il fait haster la mesure, & le chât plus tost de moitié, & s'appelle Triple proportion, qui est trois pour vn.



La secode note liée altere Breues parfaittes, & secode deuat la Breue, vaut deux. Semibreue alterée.


E N cesigne appellé Sesquialtera, qui est quad la pro portio est faitte par trois minimes pour deux alors la minime peut estre alterée deuant la Semibreue, & la Semibreue parfaitte deuant sa pareille, ou sa pause, tout en la mesme sorte que cy deuant des Semibreues entre les Breues. Aussi la Semibreue est parfaitte deuat deux souspirs, sur vne mesme regle.



Semibreues parfaittes, & Semibreues parfaittes. seconde Minime alterée.

B iij

Il y a encore Hemiolia, lequel se figure par notes noires, auquel il n'y a nulle alteration.



Lya encore d'autres signes, comme Meuf Maieur parfait & imparfait, ou les longues alterent deuant les Maximes. Et Meuf Mineur parfait & imparfait, ou les Breues alterent deuant les Longues, & observent chascun en son parfait, les regles & alterations, come en Mineur parfait, les Semibreues entre les Breues.

Ce que l'ay declaré par vn autre Instruction de Musi que par cy deuant composé.

Au Lecteur.

Ous t'auons icy (amy lecteur) mis les regles es preceptes de Musique, le plus briefuement qu'il nous a esté possible, t'asseurant que si tu prens en gré nostre petit labeur de te mettre en auant un aultre traicté, lequel sera de plus grande efficace: Ce pendant tu excuseras nostre diligence, en attendant mieux.

FIN.

A la louenge de l'Art de Musique. Quatrains

Sur le rameau de l'odorante espine Du Rossignol par chant harmonieux Ay entendu la voix plus que diuine, Qui a chassé mon soucy ennuyeux.

L'ayant ouy tant gracieusement Rossignoller, & en faire replique, Impossible est, qu'en cueur ioyeusement Ne collaudions le noble art de Musique.

En premier lieu, plusieurs Poetes ont Dit & monstré, qu'il n'ya bien au monde Qui plaise tant à ceux qui voués sont A quelque chose excellente & prosonde. Bien le monstra Arion lesbien Qui nauigeant sur la Mer d'Italie, Des mariniers, voulant piller son bien Peut euiter l'entreprise & follie.

Car il requist (voyant sa mort prochaine) Qu'on luy permist, auant que de mourir, Iouer encor' de sa harpe haultaine: Et que rien plus ne vouloit requerir.

Lequel ayant impetré sa demande, Sonna tant bien, & tant galantement, Que tous poissons y couroient à grand bande, Attrait du son de tant doux instrument. Quand le Daulphin il vid luv faire feste. Incontinent de cueur hardy saulta Dessus son dos, duquel la course preste De ce peril Arion exempta.

Et Amphion, diuin Musicien, Joignit tant bien plusieurs pierres ensemble, Que Thebes sut bastie en ce moyen, Sans le Maçon, qui les pierres assemble. Le tout aduint par Musique divine, Qu'on doit nommer des sciences la prime, De la scauoir tout noble esprit est digne, Puis-que son loz, tout aultre loz supprime.

FIN.



Table des chapitres conenus en ce present liure.

Declaration de la Game, & Eschelle de Musique.	Chap.	I.	Des pointtz,	Chap.	II.
	Chap.		Muances, & quand il est besoing de les faire.	Chap.	
La difference qu'il y a entre la main, & Eschelle de			Reigles generales desdittes muances.	Chap.	
All the same	Chap,	3.	De la puissance du b mol, & du quarré ainsi sign		
Des sept vt, & de leurs differences.			V	Chap.	
Pour apprendre à desconter.	Chap.	5.	Les valeurs de Mineur parfait, lesquelles se trouu	ent auci	ines-
Des trois clefs.	Chap.	6.	fois.	Chap.	
Dub mol mis apres la clef.				Chap.	Here was a second
La maniere de tenir mesure en Musique.				Chap.	
Des pauses.			Du signe appellé Mineur parfait nombre ternaire.		
Les valeurs principalles des notes auec leurs pauses.	Chap.	10.			



